



22. Tschanteda da la suprastanza cumünela in marculli, ils , 05.12.2018 a las 19.30 in chesa cumünela S-chanf

Presidi: Gian Fadri Largiadèr

Preschaints: Paolo Bernasconi, Liun Quadri

Suppleant:

Absaints: Roman Parli, Mario Mammoliti, Linard Luzi

Actuar: Gian Luca Vitalini

Tractandas:

- | | | |
|----|-------|---|
| 1. | | Protocol |
| 2. | 0.211 | Dumandas da fabrica |
| 3. | 4.000 | Procedura da consultaziun fundaziun provedimaint da sandet Engiadin'Ota |
| 4. | 0.209 | Contrat culla Repower regard servezzan da disturbi LWL |
| 5. | 3.000 | Dumandas da contribuziun |
| 6. | 3.400 | Pista da naiv via God God sün l'Alp Griatschouls |
| 7. | 0.250 | Sgüraunzas |
| 8. | 9.999 | Varia |

La glista da tractandas vain approveda sainza objecziuns.

Protocol: Il protocol da la tschanteda dals 21 november 2018 vain approvo unanimamaing.

161 0.211 Dumanda da fabrica

Pusiziun chüra da monumaints regard la fabrica, Somvih, S-chanf

Cun charta dals 22 october 2018 ho la chüra da monumaints piglio pusiziun in chosa sur numneda. La charta es inoltreda ils 26 october 2018 in vschinauncha. Illa pusiziun cha la chüra da monumaints ho scrit, es descrit ch'üna sbudeda dal annex es tenor böt da protecziun permiss. Impü eir il müdamaint da fabrica fin tal seguond plaun da la chesa es permiss sün basa da l'inventar da chesas. In connex cul uzament dal tet scriva la chüra da monumaints, cha l'uzament es da tralascher causa las proporziuns da las fatchedas e dal stabel sves, precis uschè scu grandas surconstrucziuns da tets per crapendas sun da desister.

La supranza cumünela piglia cugnuschentscha da la pusiziun da la chüra da monumaints. Cun üna disposiziun directiva da la procedura vegn do il petent da la dumanda da fabrica la pussibilitad da piglier pusiziun sün seguaints puncts:

1. Entregia da la garascha
2. Trattativas regard il dret da fabrica suotterraun
3. Uzament dal tet
4. Lingia d'ova persa

Predumanda per ün permiss per plazzar üna tenda d'arch arduond, parcella nr. 181, S-chanf

La supranza cumünela decida da comunicher a sar Martin Kohler, cha la dumanda nun es abla da gnir aderieu, causa cha'l trenin sto sül terrain agricul. Impü es la schanza cha'l premiss da POZ vain do da l'ARE a Cuira fich pitschna.

**162 4.000 Ospidel
Procedura da consultaziun statüts fundaziun provedimaint da sandet Engiadin'Ota**

La fundaziun dal provedimaint da sandet da l'Engiadin'Ota ho elavuro üna revaisa da statüts e suottametta quella a las vschinaunchas per pudair piglier pusiziun.

La supranza cumünela piglia cugnuschentscha dals müdamaints dals statüts e comunichescha chi nu s'ho üngünas objecziuns.

**163 0.209 Contrats e cunvegnas
Contrat culla Repower regard servezzan da disturbis in connex cun l'LWL**

Per pudair intervenir in cas da disturbis illa rait d'LWL es la vschinauncha da S-chanf intenziunada da stipuler ün contrat correspundet culla firma Repower. Il böt es da pudair stipuler quist contrat sur üna düreda da trais ans.

La supranza cumünela piglia cugnuschentscha dal contrat in sen positiv. Quist contrat vain aunch'üna vouta tractando cur cha'ls predschs deffinitivs sun avaint maun. Pel mumaint es la firma Repower auncha in trattativas cun ün contrahent.

**164 3.000 Cultura
Dumandas da contribuziun**

Dumanda: Il «British Classic Car» dumanda per ün sustegn finanziel da fr. 640.00.

Decisiun: La supranza cumünela decida da sustgnair quist arrandschamaint, chi ho eir lö illa Plaiv, cun fr. 640.00.

Dumanda: L'Opera San Murezzan dumanda per ün sustegn finanziel da fr. 500.00

Decisiun: La supranza cumünela decida da refüser quista dumanda e rinviëscha il petent sül fond da cultura regiunel.

Dumanda: L'Engadin Festival 2019 dumanda per ün sustegn finanziel da fr. 1'860.00

Decisiun:	La supastanza cumünela decida da refüser quista dumanda e rinviëscha il petent sül fond da cultura regiunel.
Dumanda:	L'«Engadiner Sommerlauf» dumanda per ün sustegn finanziel da fr. 939.00
Decisiun:	La supastanza cumünela decida da refüser quista dumanda, causa ch'ella ho memma pocha importanza per la vschinauncha da S-chanf.
Dumanda:	Il Concours Hippique d'inviern dumanda per ün sustegn finanziel da fr. 350.00.
Decisiun:	La supastanza cumünela decida da sustgnair la dumanda cun fr. 350.00 causa la collavuraziun cul Concours da Zuoz.
Dumanda:	L'«Engadin Radmarathon» Zernez dumanda per ün sustegn finanziel da fr. 1'000.00.
Decisiun:	La supastanza cumünela decida da sustgnair la dumanda cun fr. 1'000.00.
Dumanda:	Il Mondiana « Show Jumping Festival 2019 » dumanda per üna contribuziun finanziela da fr. 10'000.00.
Decisiun:	La supastanza cumünela decida da refüser quista dumanda e rinviëscha il petent sül fond dal Top-Event regiunel.
Dumanda:	Il « 7avel Jungzüchter Alpin-Festival 2019 » dumanda per üna contribuziun finanziela.
Decisiun:	La supastanza cumünela decida da refüser quista dumanda.
Dumanda:	Il Future Planet Forum da Madulain dumanda per ün sustegn finanziel da fr. 500.00.
Decisun:	La supastanza cumünela decida da sustgnair quist evenimaint illa Plaiv cun fr. 500.00.
Dumanda:	La chantadura Bibi Va Plan dumanda per ün sustegn finanziel per la donaziun a « JEDER RAPPEIN ZÄHLT » i'l otezza da fr. 600.00
Decisiun:	La supastanza cumünela decida da sustgnair quista dumanda cun fr. 600.00 causa l'evenimaint ils 17.12.2018 a S-chanf.

165 3.400

Sport

Pista da naiv via God God sün Alp Griatschouls inviern 2018/2019

Ils 15 november 2018 es entro la charta cun la dumanda regard la pista per schlisuler sülla via God God sün l'Alp Griatschouls. Illa charta vain fatta la proposta da fer la pista scu già

l'an passo culla maschina traunter las 08.00 e las 18.00. Impü vain fatta la dumanda da survgnir da la vschinauncha da S-chanf üna pauschela per tuot l'inviern da fr. 6'000.00 excl. isp.. l'ls ans passos ho la vschinauncha sustgnida la preparaziun da la pista in media annuelmaing cun fr. 3'250.00 incl. Isp..

Zieva fich animeda dicussiun decida la suprastanza cumünela fundamentelmaing cun duos cunter üna vusch da na pü perseguiter e sustgnair la preparaziun da la via sün Griatschouls. Ils seguaints motivs principels haun effetuo quista decisiun: frequentaziun – cuosts – adöver, respunsabiled, zona da quietezza, ferm periclito revier da la populaziun d'urogals. La suprastanza decida da perseguiter la preparaziun d'üna pista da schlisuler : Punt da Crap - Bügls – liftin.

**166 0.250 Sgüraunzas
Decisiun circulera regard la desditta da las sgüraunzas
cumünelas**

Il chanzlist ho fat ün'evaluaziun regard ils differents contrats da sgüraunzas. Cun üna garanzia extaisa as pudess stipuler d'avent da schner 2019 novs contrats adattos e pü favuraivels. Cun decisun circulera dals 27 november 2018 decida la suprastanza cumünela unanimamaing da desdir ils seguaints contrats da sgüraunza süls 31 december 2018: sgüraunza da respunsabiled da gestiun, sgüraunza d'ogets e la sgüraunza da veiculs a motor. Medemamaing es gnieu scrit a segunaintas sgüraunzas, per pudair offrir ils contrats manzunos: Basler, AXA e Mobiliar.

167 9.999 Varia

La suprastanza cumünela piglia cugnuschentscha :

Infurmaziun da las OEE regard situaziun dal proget da la lingia 110/16-kV Zernež – Bever.

Charta d'ingrazchamaint dal Engadine Golf Club.

Protocol da la suprastanza da L'ARO.

A las 21.45 vain la tschanteda alveda.

In buna fè

Il president:

L'actuar:

G. Largiadèr

G.L. Vitalini